

十一面神咒心经

唐三藏法师玄奘奉 诏译



南無本師釋迦牟尼佛

说明

本简体校正版《十一面神咒心经》电子书，根据《乾隆大藏经》大乘五大部外重译经部，第 0324 部，唐三藏法师玄奘奉诏译《十一面神咒心经》影印本校正，标点符号仅供参考。

本电子书是免费结缘品。特此说明。

仁慧草堂

二〇一九年十月



扫码关注仁慧草堂微信公众号



南無聖觀自在菩薩摩訶薩

南無聖觀自在菩薩摩訶薩

南無聖觀自在菩薩摩訶薩

● 起诵仪

杨枝净水赞

(一遍)

杨枝净水. 遍洒三千. 性空八德利人天. 福寿
广增延. 灭罪消愆. 火焰化红莲.

南無清凉地菩萨摩诃萨 (合掌三称)

净身业真言

(三遍)

唵. 修哆唎. 修哆唎. 修摩唎. 修摩唎. 萨婆诃.

净口业真言

(三遍)

唵. 修唎修唎. 摩诃修唎. 修修唎. 萨婆诃.

净意业真言

(三遍)

唵. 鞞日啰怛诃贺斛.

安土地真言

(三遍)

南無三满哆. 没驮喃. 唵. 度嚕度嚕. 地尾. 萨婆
诃.

普供养真言

(三遍)

唵. 誝誝曩. 三婆嚩. 伐日啰斛.

法华偈

(一遍)

六万余言七轴装 无边妙义广含藏
白玉齿边流舍利 红莲舌上放毫光
喉中甘露涓涓润 口内醍醐滴滴凉
假饶造罪过山岳 不须妙法两三行

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

南無聖觀自在菩薩摩訶薩 (合掌三称)

十一面神咒心经

唐三藏法师玄奘奉 诏译

如是我闻：

一时，薄伽梵住室罗筏竹笋道场，与大苾刍众千二百五十人俱，菩萨摩訶萨无量无数，慈氏菩萨而为上首。复有无量苾刍、苾刍尼、邬波索迦、邬波斯迦及诸天、龙、药叉、健达缚、阿素洛、揭路荼、紧捺洛、莫呼洛伽、鳩盘荼、毕舍遮、人、非人等大众围绕，供养恭敬，尊重赞叹，而为说法。

尔时，观自在菩萨摩訶萨与无量俱胝那庾多百千持咒神仙，前后围绕，来诣佛所。到已顶礼世尊双足，右绕三匝，退坐一面，白佛言：“世尊！我有神咒心，名十一面，具大威力，十一俱胝诸佛所说，我今说之。为欲利益安乐一切有情，除一切病故，灭一切恶故，为止一切不吉祥故，为却一切恶梦想故，为遮一切非时死故，欲令诸恶心者得调净故，有忧苦者得安乐故，有怨对者得和解故，魔鬼障碍皆消灭故，心所愿求皆称遂故。

“世尊！我不见世间若天、若魔、若梵、若沙门、若婆罗门等，以此神咒防护其身，受持读诵，书写流布，而为一切灾横、魔障、刀杖、毒药、厌祷、咒术所能害者。我亦不见以此神咒随所住处若远若近结作界已，有能越之，来相娆害。唯除决定恶业应熟。世尊！彼当证知是事必尔，唯应信受，不应分别，如此则令一切灾横，皆悉远离，不得侵近。此神咒心，一切诸佛同所称赞，同所随喜；一切如来忆持守护。

“世尊！我忆过去过殒伽沙等劫前，有佛出世，名百莲华眼无障碍顶炽盛功德光王如来、应、正等觉，我于尔时作大仙人，从彼世尊受得此咒。得此咒时，见十方佛，应时证得无生法忍，当知此咒具大威力。是故，若有净信善男子、善女人等，欲受持读诵此神咒者，应当恭敬至心系念，每晨朝时，如法清净念诵此咒一百八遍。若能如是，现身获得十种胜利。何等为十？一者，身常无病；二者，恒为十方诸佛摄受；三者，财宝衣食受用无尽；四者，能伏怨敌而无所畏；五者，令诸尊贵恭敬先言；六者，蛊毒鬼魅不能中伤；七者，一切刀杖所不能害；八者，水不能溺；九者，火不能烧；十者，终不横死。复得四种功德

胜利：一者，临命终时，得见诸佛；二者，终不堕诸恶趣；三者，不因岭厄而死；四者，得生极乐世界。

“世尊！我忆过去过十殒伽沙等劫，复过于此，有佛出世，名美音香如来、应、正等觉。尔时，我身作大居士，于彼佛所受得此咒。得此咒时，便于生死超四万劫；诵持此咒，复得诸佛大悲智藏一切菩萨解脱法门。由此威力能救一切牢狱、系闭、桎械、枷锁、临当刑戮、水火风贼、蛊毒厌祷、人、非人等种种苦难；由此，我于一切有情能作归依、救护，安慰洲渚室宅；以此咒力，摄取一切勃恶药叉、逻刹娑等，先令发起慈心愍心，然后安立于阿耨多罗三藐三菩提。

“世尊！我此神咒有大威力，若诵一遍即能除灭四根本罪及五无间，令无有余，况能如说而修行者？若有曾于百千俱胝那庾多佛所种诸善根，乃于尔时得闻此咒，况能受持如说行者？若能昼夜读诵受持此神咒者，我当令彼所有愿求，悉得如意。若有能于半月半月，或第十四日，或第十五日，受持斋戒，如法清净，系心于我，诵此神咒，便于生死超四万劫。

“世尊！我由此咒名号尊贵难可得闻。若有

称念百千俱胝那庾多诸佛名号，复有暂时于我名号至心称念，彼二功德平等平等。诸有称念我名号者，一切皆得不退转地，离一切病，脱一切障、一切怖畏，及能灭除身、语、意恶，况能于我说神咒，受持读诵，如说修行。当知是人，于无上菩提，则为领受，如在掌中。”

尔时，世尊赞观自在菩萨言：“善哉！善哉！善男子，汝乃能于一切有情，发起如是大慈悲意，而欲开示此大神咒。善男子，汝由此方便，能救脱一切有情所有病苦、障难、怖畏、身语意恶，乃至安立一切有情于阿耨多罗三藐三菩提。善男子，我亦随喜，受汝神咒，汝当说之。”

时，观自在菩萨摩訶萨即从座起，偏袒一肩，右膝著地，曲躬合掌，而白佛言：“诵此咒者，应作是说：

“敬礼三宝！敬礼圣智海遍照庄严王如来！敬礼一切如来、应、正等觉！敬礼圣观自在菩萨摩訶萨大悲者！

“怛经他 闍_一达啰达啰_二地嚩地嚩_三杜噜杜噜_四壹_{去声}𪔐_{下同}伐_𪔐五折隶折隶_六钵啰折隶_七钵啰折隶_七俱素谜_八俱苏摩伐_𪔐九壹履弭履_十止履止征_{知里切}十一社_{时贺切}罗摩波捺耶_{夷何切}十二戌_{输律切}陀萨埵_{十三}莫诃迦嚩尼_{上声}十四迦_{十四}

莎^{去声下}诃^{十五}
皆同

“世尊！此是根本神咒。若有念诵，获如上说功德胜利。

“敬礼三宝！敬礼圣智海遍照庄严王如来！敬礼一切如来、应、正等觉！敬礼圣观自在菩萨摩诃萨大悲者！

“怛经他 呵呵呵呵—壹隶弭隶—止隶婢隶—
弃^{上声}隶^{上声下}呬^{皆同}隶^四莎诃^五

“世尊！此是咒水及衣咒。若欲入道场，先当洗浴，后以此咒咒水七遍，洒身结净；复以此咒咒衣七遍，然后取著。

“敬礼三宝！敬礼圣智海遍照庄严王如来！敬礼一切如来、应、正等觉！敬礼圣观自在菩萨摩诃萨大悲者！

“怛经他 拄^{吒古切}噜拄噜—呵呵呵呵—莎诃—

“世尊！此是咒香灯咒。若入道场，欲烧香供养时，先以此咒咒香七遍，然后烧之；欲然灯时，先以此咒咒油七遍，后以然灯。

“敬礼三宝！敬礼圣智海遍照庄严王如来！敬礼一切如来、应、正等觉！敬礼圣观自在菩萨摩诃萨大悲者！

“怛经他 死囉死囉—地囉地囉—死囉地囉—

莎诃^四

“世尊！此是咒华香鬘咒。若入道场，欲以华香鬘供养时，先以此咒咒华七遍，用散尊像；复以此咒咒香七遍，以涂尊像；复以此咒咒鬘七遍，以严尊像。

“敬礼三宝！敬礼圣智海遍照庄严王如来！敬礼一切如来、应、正等觉！敬礼圣观自在菩萨摩诃萨大悲者！

“怛经他 娑睇娑睇—死地死地—素^{上声}_{下同}杜素
杜^三莎诃^四

“世尊！此是咒献佛供咒。若欲以饮食、华果等供养佛时，先诵此咒，咒之二十一遍，然后献奉。

“敬礼三宝！敬礼圣智海遍照庄严王如来！敬礼一切如来、应、正等觉！敬礼圣观自在菩萨摩诃萨大悲者！

“怛经他 末死达死—折囉折囉—虎噜虎噜^三
主噜主噜^四素^{上声}_{下同}噜素噜^五母噜母噜^六莎诃^七

“世尊！此是咒薪咒。若欲以上根本神咒，随事有所作时，先以此咒咒阁底华木一遍，拟用然火；复别取阁底华木，寸截以为三十一段，用酪酥蜜渍之经宿，每取一段咒之一遍，即掷火中，

乃至皆尽，然后随事，作所应作。

“敬礼三宝！敬礼圣智海遍照庄严王如来！
敬礼一切如来、应、正等觉！敬礼圣观自在菩萨
摩诃萨大悲者！”

“怛经他壹履弭履—比履底_{丁里切}履_{下皆同}—止履呬履
三莎诃_四

“世尊！此是结界咒。欲结界时，先以此咒
咒水七遍，散洒四方；或咒芥子，或咒净灰，皆
至七遍，散四方面，随心远近，即成界畔，而为
防护。

“敬礼三宝！敬礼圣智海遍照庄严王如来！
敬礼一切如来、应、正等觉！敬礼圣观自在菩萨
摩诃萨大悲者！”

“怛经他 比胝比胝—底胝底胝—止胝止胝—
费_{房匪切}胝_{下同}费胝_四揭车揭车_五薄伽梵_六阿唎耶婆_{肥何切}卢
枳低湿伐啰_七飒缚婆缚_{去声}南_八莎诃_九

“世尊！此是请我还自宫咒。若所作事竟，
请我还自宫时，应以此咒咒水七遍，散洒四方，
我便还去。

“世尊！如是神咒，虽不成立，而亦能作种
种事业，至心念诵，无不获愿。若患疟病，或一
日一发，或二日一发，或三日一发，或四日一发；

若患鬼病，或部多鬼所作，或荼耆^{上声呼}尼所作，或毕舍遮所作，或羯吒^{平声呼}布怛那所作，或癩鬼所作，或癘鬼所作，或余种种恶鬼所作，皆以此咒咒彼患者一百八遍，即得除愈。若障重者，用五色缕，诵咒作结，一遍一结，凡一百八结，以系病人颈上，或系臂上，罪障消灭，病即除愈。若患丁肿、痈肿、痿疮、疱疮、疽疡癣等种种恶病，若被刀箭矛稍等伤，蛇蝎蜈蚣毒蜂等螫，皆以此咒咒之七遍，即得除愈。若障重者，咒黄土泥至一七遍，用涂病处，所苦得除。若患缓风、偏风、瘫风、耳聋鼻塞憨风等病，皆应至心念诵此咒，咒彼患者一百八遍，病即除愈。若障重者，以油或酥煎桦皮及青木香，每咒七遍，即用涂身，或滴耳鼻，或令服之，所患便愈。若有所余种种疾病，皆应至心以此咒咒之，或自念诵，即得除差。

“世尊！若欲成立此神咒者，应当先以坚好无隙白栴檀香，刻作观自在菩萨像，长一磔手半；左手执红莲华，军持；展右臂，以挂数珠，及作施无畏手。其像作十一面，当前三面，作慈悲相；左边三面，作瞋怒相；右边三面，作白牙上出相；当后一面，作暴恶大笑相；顶上一面，作佛面像。诸头冠中，皆作佛身。其观自在菩萨身上，具瓔

珞等种种庄严。造此像已，欲求愿者，著新净衣，受持斋戒，从白月一日至第八日，每日三时念诵此咒一百八遍，或无量遍。从此以后，于一静处，敷清净座，安置所造观自在菩萨像，面向西方。随力所办，献诸饮食。唯烧沉水及苏合香，行者当食大麦乳食，如前念诵至第十三日。从此以后，所设供具，须倍胜前。行者唯应食三白食，谓奶酪饭。取菩提树木像前然火，复取彼木寸截以为一千八段，用靛嚙色迦香油渍之，每取一段诵咒一遍，掷置火中，乃至皆尽。尔时，大地岌然摇震，由此像身亦即运动，从最上面口中出声，赞行者言：‘善哉！善哉！善男子，汝能如是勤苦求愿，我当令汝所愿满足，令汝于此腾空而去，或复令汝所游无碍，或作持咒仙人中王，或使如我自在无障。’复次，行者或于白月第十五日，以十一面观自在菩萨像，置有佛驮都制多中，著新净衣，受持斋戒，经一日一夜，不饮不食。取苏末那华一千八枚，每取一华咒之一遍，掷置像上，乃至皆尽。尔时，其像当前一面，口中出声，犹如雷吼，由此便令大地震动。行者尔时应自安心，勿生恐怖，但念神咒，乞所期愿，作如是言：‘敬礼圣观自在菩萨摩訶萨大悲者！我于何时能

与一切有情作大依怙？能满一切有情心之所愿？’时，观自在便与其愿。当与愿时，诸天龙等，无有能与作障碍者。复次，行者于月蚀时，取酥一两，银器盛之，置此像前，念诵此咒，乃至是月还生如故，便取食之，身中诸病无不除愈。复次，行者应等分取雄黄、牛黄，置此像前，念诵此咒一千八遍，以水和之，点置眉间，三事成就，如前所说。若和暖水洗浴其身，则一切障碍，一切恶梦，一切疫病，皆得除愈。复次，若他方怨贼欲来侵境，应取胭脂一颗，诵此咒咒之一百八遍，妆点此像，左边瞋面正向彼方，令怨贼军不得前进。复次，若国土中人畜疫起，于此像前，然任婆木火，复别取彼木，寸截以为一千八段，每取一段涂芥子油，咒之一遍，掷置火中，乃至皆尽；复取绯缕，作七咒结，一咒一结，系置最上佛面顶上，能令疫病一切消除。疾疫除已，解去咒索。复次，若有卒为茶耆^{上声呼}尼部多鬼等魅著成病，应取白缕作二十一咒结，一咒一结，系著当前慈悲面顶上，经一宿已，解取以系病人颈上，病即除愈。若业障重不除愈者，应取此索，更咒一百八遍，系前所系像顶上，经一宿已，解取以系病人颈上，必得除愈。复次，若有长病困苦不

差，或恶神鬼来入宅中，应取熏陆香一百八颗，在此像前，颗咒一遍，掷置火中，乃至皆尽；复取白缕作二十一咒结，一咒一结，系置当前慈悲面顶上，经一宿已，解取系病者颈上，所患除愈，恶鬼退散。

“复次，若为怨讎伺求其便，斗诤厌祷欲作衰害，应以种种香华等物供养此像，以婆钵迦木像前然火，取芸薹子一百八颗，各咒一遍，掷置火中；复取白缕，结作一百八结，一咒一结，系著此像左边瞋面顶上，经一宿已，解取此索，称怨讎名，截一一结，各令异处，一称一截，乃至都尽，令彼怨讎所作不遂，自然归伏。复次，若人欲求诸善好事，取五色缕结作咒索，一百八结，一咒一结；复于像前咒之七遍，系置当前慈悲面顶上，经一宿已，解取系自身上，所求如意。复次若知身中有诸障难，所求善事多不随心，衰祸时时无因而至，应以香水浴此像身；复取此水咒之一百八遍，以浴毗那药迦像身；复取咒之一百八遍，自洒其身，一切障难自然消灭，诸有所求无不如意。”

尔时，观自在菩萨摩訶萨说此语已，一切大众同时赞言：“善哉！善哉！大士！乃能为欲利

益安乐诸有情故，说此神咒，我等随喜，亦愿受持。”

尔时，大众欢喜踊跃，绕佛三匝，作礼而去。

十一面神咒心经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼囉. 娑麼囉. 弭麼曩. 萨嚩诃. 摩诃斫迦囉嚩吽.

观音菩萨赞

(一遍)

观音大士，悉号圆通，十二大愿誓弘深，苦海渡迷津，救苦寻声，无刹不现身。

观音菩萨妙难酬 清净庄严累劫修
三十二应遍尘刹 百千万劫化阎浮
瓶中甘露常遍洒 手内杨枝不计秋
千处祈求千处应 苦海常作度人舟

南無普陀琉璃世界.大慈大悲.观世音菩萨 (一称)

南無观世音菩萨摩诃萨 (数百千称)

赞观音文

(跪念一遍)

南無过去正法明如来现前观世音菩萨，成妙功德，具大慈悲，于一身心现千手眼，照见法界，护持众生，令发广大道心，教持圆满神咒，永离恶道，得生佛前。无间重愆，缠身恶疾莫能救济，悉使消除；三昧辩才、现生求愿咸令果遂，决定无疑。能使速获三乘，早登佛地。威神之力，叹莫能穷。故我一心归命顶礼。

回向偈

(跪念一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

十方三世一切佛，一切菩萨摩诃萨，摩诃般若波罗蜜

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。(念毕，起身三礼而退。)



此咒置经书中可灭误跨之罪

南无护法韦驮尊天菩萨

